

Broj: 05-28-9-502-2/26
Datum: 01-06-2026

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Sekretar

Ul. Hamdije Kreševljakovića br.3
71000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prinijeto: 02-06-2026			
Org. jed.	Broj	Uloga	Vrijednost
05/2-02-		290	26

n/r gđa. Aida Hadžić - Salkić

**PREDMET: Odgovor na delegatsko pitanje, dostavlja se
Veza - vaš akt broj 05/2-02-290/26 od dana 07.05.2026.**

Poštovani,

Aktom Veze dostavljeno nam je delegatsko pitanje koje je postavio gospodin Ivica Pavković delegat u Domu naroda Parlamenta Federacije Bosne i Hercegovine,

Delegatsko pitanje glasi: Tražim da mi dostavite točne podatke na osnovu kojih ste izvršili procjenu broja stanovnika za općine i gradove u županiji Zapadno-hercegovačkoj za zadnjih 5 godina.

S tim u vezi dostavljamo odgovor na traženo pitanje:

Procjene broja stanovnika za Federaciju Bosne i Hercegovine urađene su na osnovu konačnih rezultata Popisa stanovništva, domaćinstava i stanova u Bosni i Hercegovini 2013. godine (u daljem tekstu: Popis).

Izvori podataka za procjene broja stanovnika Federacije Bosne i Hercegovine su sljedeća istraživanja:

- Popis stanovništva 2013
- statistika rođenih
- statistika umrlih
- statistika migracija stanovništva

Podaci o rođenim prikupljaju se na Statističkom izvještaju o rođenju (obrazac DEM-1) za svaki upis u matičnu knjigu rođenih.

Podaci o umrlim prikupljaju se na Statističkom izvještaju o smrti (obrazac DEM-2) za svaki upis u matičnu knjigu umrlih.

Podaci o migraciji stanovništva temelje se na osnovu baze podataka koja je preuzeta od IDDEEA-e (Agencija za identifikacijske dokumente, evidenciju i razmjenu podataka Bosne i Hercegovine).

U Popisu 2013. godine po prvi put je za utvrđivanje ukupnog broja stanovništva primijenjen koncept „uobičajenog stanovništva“. Po ovom konceptu osoba se smatra stanovnikom onog mjesta u kojem samo (u slučaju samačkog domaćinstva) ili sa članovima svog domaćinstva provodi najveći dio svog vremena odnosno dnevno / noćni odmor, nezavisno od toga gdje ima prijavljeno prebivalište. Time su u ukupno stanovništvo određenog mjesta uključene osobe koje su u tom mjestu živjele neprekidno najmanje godinu dana prije kritičnog momenta popisa, kao i osobe koja su u tom momentu živjele kraće od 12 mjeseci s namjerom da u tom mjestu ostanu najmanje godinu dana.

Nakon objave konačnih rezultata Popisa u 2016. godini izvršena je revizija objavljenih podataka o procijenjenom broju stanovnika u Federaciji BiH prema konceptu „uobičajenog stanovništva“. Također, koncept „uobičajenog stanovništva“ koristio se i za izradu procjena broja stanovnika nakon 2016. godine.

Budući da se podaci Popisa odnose na tzv. kritični momenat Popisa tj. 30. septembar 2013. godine, a procjene broja stanovnika se odnose na sredinu godine, bilo je potrebno podatke Popisa prevesti na sredinu godine.

To je urađeno koristeći sljedeće podatke: konačni podaci Popisa 2013, broj živorođenih, umrlih i saldo migracija za period 01.07.2013. do 30.09.2013. godine.

Nakon što se dobio broj stanovnika za sredinu godine (30.06.2013.), procijenjeni broj stanovnika na dan 30.06.2016. godine izračunat je na osnovu prirodnog priraštaja i saldo migracija za drugu polovinu 2013. godine, za 2014, 2015. i za prvu polovinu 2016. Godine.

Polazna osnova za izračun procijenjenog broja stanovnika u Federaciji BiH na dan 30.06.2017. godine je broj stanovnika sa stanjem na dan 30.06.2016. godina. Procijenjeni broj stanovnika na dan 30.06.2017. godine izračunat je na osnovu prirodnog priraštaja i salda migracija za drugu polovinu 2016. godine i za prvu polovinu 2017. godine.

Isti princip izračuna primijenjen je i za sve naredne godine od 2018. godine do 2025. godine

Federalni zavod za statistiku prilikom izrade procjena broja stanovnika Federacije Bosne i Hercegovine primjenjuje istu metodologiju u izradi procjena za sve općine i kantone u Federaciji Bosne i Hercegovine.

S poštovanjem,

Po ovlaštenju
Vlade Federacije Bosne i Hercegovine
Semso Šurković, dipl.ing.elektrotehnikë



Dostaviti:

1. Naslovu
2. a/a